



Sexu Ikerketa – Dokumentazioa – Hezkuntza

## **FEDERAZIOAREN ESTATUTUAK**



## IZENA ETA LEGE-ARAU BIDEA

1. artikulua.-

Irabazi-asmorik gabeko "**HIRUKI GUNEA: Sexu Ikerketa - Dokumentazioa - Hezkuntza**" izeneko federazioa eratu da, Elkartzeko Eskubidea arautzen duen martxoaren 22ko 1/2002 Lege Organikoan eta Eusko Legebiltzarrak onartutako Euskadiko Elkarteei buruzko ekainaren 22ko 7/2007 Legean ezarritakoen arabera eta Euskal Herriaren Autonomia Estatutuaren 9. eta 10.13 artikuluetan azaltzen denarekin bat etorritz.

Federazioa arau hauen mende egongo da: aipatutako elkarteei buruzko legeak, estatutu hauek (legearen aurkakoak ez badira), federazioaren gobernu-organismoek behar bezala hartutako erabakiak (legearen edota estatutuen aurkakoak ez badira) eta Eusko Jaurlaritzak onesten dituen erregelamenduzko xedapenak (azken horiek osagarriak izango dira).

## FEDERAZIOAREN HELBURUAK

2. artikulua.-

Federazio honen helburuak honako hauek dira:

- ✓ Federazioa osatzen duten elkarteen arteko harremana eta lankidetzazko sustatzea, bakoitzaren estatutuetako helburuak indartuz eta lortzen lagunduz.
- ✓ Sexualitateari buruzko baliabide zentroa eratzea, gizarteari irekia eta bere lurralde-eremuan erreferente izatea. Baliabide zentroak hiru ikuspegi aintzat hartuko ditu batik bat:
  - A. Sexu edo/eta sexualitatei buruzko ikerketak bultzatu eta egingo ditu.
  - B. Sexu edo/eta sexualitatei buruzko dokumentazio zentroa izango da.
  - C. Sexu edo/eta sexualitatei buruzko hezkuntza gauzatuko du.

Helburu horiek lortzeko, aurreko A. B. eta C. puntuetan agertzen diren jarduerak egingo dira, ezarritako legeko betekizunak bete ondoren.

Aurreko paragrafoan azaldutako jarduerak gorabehera, federazioak, bere xedeak betetzeko, honako hauek egin ahalko ditu:

- Helburuak betetzeko edo horretarako baliabideak biltzeko era guztietako jarduera ekonomikoak gauzatu.
- Era guztietako ondasunak edozein tituluren bidez eskuratu eta eduki, eta mota guztietako egintzak eta kontratuak egin.
- Nolanahiko ekintzak burutu, betiere legeekin eta Estatutuekin bat etortzekotan.

## FEDERAZIOAREN EGOITZA

3. artikulua.-

Federazio honen egoitza helbide honetan egongo da: Martzana kalea 10.zk, 3.solairua ezkerrean. 48003 - Bilbo - Bizkaia.

Federazioak beste lokal batzuk ere eduki ditzake Autonomia Erkidegoan, Batzar Orokorrak hala erabakitzen badu.

## LURRALDE-EREMUA

4. artikulua.-

Federazio honek nagusiki "Euskal Autonomia Erkidego" lurralde-eremuan gauzatuko ditu bere zereginak.


*Handwritten signature and scribbles on the left margin.*

## IRAUPENA ETA DEMOKRAZIA-ARAU

5. artikulua.-

Federazioa iraunkorra izateko eratu da, eta Batzar Orokor Bereziaren erabaki bidez baino ezingo da desegin, IV. kapituluaren esaten den bezala, edo legetan jasotako arrazoiren batengatik.

Federazioaren funtzionamendua eta barne-antolamendua demokratikoa izango da, eta pluraltasuna erabat errespetatuko da. Erabat deusezak izango dira elkartzeko oinarritzko eskubidearen alderietako edozein betetzen ez duten itunak, estatutu-xedapenak eta erabakiak.



JUSTIZIA ETA HERRI  
ADMINISTRAZIO SAILA  
Euzko Jaurlaritza

DEPARTAMENTO DE JUSTICIA  
ADMINISTRACION PUBLICA  
Euzko Jaurlaritza

## HIRGARREN KAPITULUA

### AGINTE- ETA ADMINISTRAZIO-ORGANOAK

6. artikulua.-

Federazioaren agintea eta administrazioa kide anitzeko organo hauen esku egongo da:

- a) Bazkideen **Batzar Orokorra** izango da organo gorena.
- b) **Zuzendaritza Batzordea** izango da kide anitzeko zuzendaritza-organoa iraunkorra. Zuzendaritza Batzordeko aginte-organok honako eran egon daitezke banatuta:
  1. "Oinarrizko karguak" deituriko aginte organoak, beti egon behar diren honako karguak:
    - a. Lehendakaria.
    - b. Lehendakariordea.
    - c. Idazkaria.
    - d. Diruzaina.
  2. "Batzordekide Laguntzaileak" edo "bokalak" deituriko aginte organoak. Kargu mota hauen izendatzea, Federazioaren jardueren eta lanaren arabera, aginte eta administrazio organoen esku geratzen da. Kargu hauek kapitulu honetako 14. Artikuluak arautzen ditu.
- c) **Zerbitzu komisioa**: Aginte legal bako organo aholku-emalea izango da.

**OHARRA:** Federazioa sortzen duten elkartei "Elkarte-kide" deituko zaie aurrerantzean, beraz, argi geratzen da deitura honekin pertsona-bazkide fisikorik ez dela identifikatuko.

### BATZAR OROKORRA


7. artikulua.-

Batzar Orokorra bazkide guztiek osatzen dute, eta organo honen bidez adierazten dira bazkideen nahiak.

#### Batzar Orokorraren ahalmenak:

- a) Federazioaren jarduera-plan orokorra onartzea.
- b) Urteko kontuak eta hurrengo ekitaldiko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Federazioa desegitea.
- f) Aginte-organetatik "Oinarrizko karguak", hau da; lehendakaria, lehendakariordea, idazkaria eta diruzaina izendatzea eta kargutik kentzea; eta horiek guztiak ikuskatu eta kontrolatzea.
- g) Aginte-organetatik "Batzordekide Laguntzaileak", hau da; bokalak, izendatzea eta kargutik kentzea; eta horiek guztiak ikuskatu eta kontrolatzea.
- h) Beste federazio batzuekin batera konfederazioak osatzea, edota horietatik ateratzea.
- i) Ondasun higiezinak erabili edo besterentzeko erabakiak hartzea.

- j) Aginte-organoko kideei ordaindu egin behar zaiela erabakitzea, hala komeni bada.
- k) Kuota arruntak eta bereziak ezartzea. Ahalmen hau, hala ere, Batzar Orokorrak aginte-organismoari eskuordetu diezaioke horretarako bereziki hartutako erabakiaren bidez.
- l) Bazkideak behin betiko kanporatzeko erabakia hartzea.
- m) Beste organo sozialen bati esleitu gabeko beste edozein eskumen.



JUSTIZIA ETA HERRI  
AGINTARITZA SAIA  
LEHENENGO DEIALDIA

DEPARTAMENTO DE JUSTICIA  
Y GOBIERNO VASCO  
LEHENENGO DEIALDIA

8. artikulua.- Batzar Orokorrak ohiko bilkurak eta ezohiko bilkurak egingo ditu.

9. artikulua.- Batzar Orokorrak gutxienez urtean behin egin beharko du ohiko bilkura: lehenengoko hiru hilabetean izango da, 7. artikuluko a), b) eta c) idatz-zatietan zehaztutako erabakiak hartze aldera.

10. artikulua.- Batzar Orokorra Zuzendaritza Batzordeak erabakitzen duenean bilduko da ezohiko bilkuran, bere ekimenez edota bazkideen %33-ak eskatu duelako. Bilkura eskatzeko arrazoiak eta helburuak azaldu beharko dira baina, nolahi ere, honako gaiak aztertze eta erabakitze belduko da:

- a) Estatutuak aldatzeko.
- b) Federazioa desagiteko.

11. artikulua.- Batzar Orokorra biltzeko deialdiak idatziz egin behar dira, eta bilkuren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egiten denetik gutxienez hamabost egun pasatu beharko dira bilkura lehen deialdian egiteko. Hala badagokio, bigarren deialdiaren data eta ordua ere adieraz daitezke. Dena dela, deialdi batetik bestera gutxienez ordu erdiko tartea utzi beharko da.

Batzar orokorrak, ohikoak nahiz ezohikoak, lehenengo deialdian balio osoz eratuta geratuko dira botoa emateko eskubidea duten bazkideen herena bertaratzen bada; eta bigarren deialdian, botoa emateko eskubidea duten bazkideen kopurua edozein dela ere.

12. artikulua.- **Batzar Orokorraren erabakiak** orokorrean gehiengo soilez hartuko dira, hau da, bertaratuen nahiz ordezkatuena baiezko botoak ezezkoak baino gehiago direnean. Baina egoera bereziak honako hauek izan daitezke:


- Elkarte-kide baten Batzar Orokoro edo Ezohizko Batzar batean erabakitakoaren kontra ezingo du jo federazioak, elkarte-kidei beraz aurretiazko beto eskubidea onartuko zaie. Elkarte-kideren baten betoa federakuntzaren erabakia adostu eta gero azaltzen bada, hurrengoko a) eta b) puntuak federazioko ezohizko batzar berri batean aztertu beharko dira.
  - a) Federazioa desagitea.
  - b) Estatutuak aldatzea.
- Alabaina, bertaratuen edo ordezkatuena gehiengo kualifikatua beharko da (baiezko botoak baliozko botoen erdia baino gehiago izatea, alegia) erabaki hauek hartzeko:
  - c) Federazioa desagitea.
  - d) Estatutuak aldatzea.
  - e) Ondasunak erabili edo besterentzea.
  - f) Ordezkaritza-organoko kideei ordaintzea.

13. artikulua.- Bazkideek beste edozein bazkideren esku utzi dezakete batzar orokorretara joateko ordezkaritza. Ordezkaritza hori idatziz eskuordetu beharko da, eta Batzarreko idazkariari eman bilera baino gutxienez bi ordu lehenago. Federazioaren egoitza dagoen herrian bizi ez diren bazkideek ordezkaritza beste norbaiten esku uzteko agiria postaz bidali dezakete.

*Handwritten signature*

*Handwritten signature*

## ZUZENDARITZA-BATZORDEA



14. artikulua.-

Zuzendaritza Batzordea da Batzar Orokorren xedapen eta zuzentzauei jarraituz federazioaren interesak kudeatu eta ordezkatzeko organoa. Bazkideek baino ezingo dute osatu ordezkari organoa. Elkarte bakoitzeko gehienez 2 ordezkari egon daitezke Oinarrizko karguetan, batzordekide laguntzaile (bokalak) edo Ezohizkoen artean aldiz, ez dago mugaketarik.

### Oinarrizko Batzordekideak:

Zuzendaritza Batzordea gutxienez osatuko duten "oinarrizko karguak" honakoak izango dira: Lehendakaria, lehendakariordea, idazkaria eta diruzaina.

- Kargu hauek Batzar Orokorrek soilik izendatu eta kargutik kenduko ditu.
- Zuzendaritza Batzordeko "oinarrizko karguetan" beti egon beharko da gutxienez elkarte fundatzaile bakoitzaren ordezkariaren bat.
- Gutxienez hilean behin bildu beharko dute, eta federazioaren ekintzak bideratzeko beharrezkoa den guztietan.

### Ezohizko Batzordekideak:

- Federazioarekin bat egiten duten elkarte berrien kasuetan, elkarte berri bakoitzaren ordezkari bakarrak Federazioaren Zuzendaritza Batzordean errepresentazioa edukitzeko aukera izango du "Ezohizko" batzordekidea deritzon kargua izatea eskatzen badu eta federazioko batzar orokorrak eskari hau onartzen baldin badu.
- Bere iraupena zuzendaritza-batzordearen agintaldira mugatuko da eta gehienez urte bikoia izango da.
- Oinarrizko Batzordekideekin batera batzartuko dira dagokien momentuetan.

### Batzordekide Laguntzaile edo bokalak:

Kargu hauek existitzea ez da beharrezkoa, momentuaren arabera izendatuak izango dira.

- Oinarrizko karguek euren lana hobeto burutzeko laguntza behar duten kasuetan izendatu daitezke bokalak, adibidez; arlo, komisio edo zerbitzu zehatzak lantzeko arduradunak behar diren kasuetan. Behar hau definitzea Lehendakariaren esku geratzen da beraz, nahiz eta beraien izendapena eta kargutik kentzea batzordearen esku egon, aurretiko eskariaren tramitea lehendakariaren eskumena izango da.
- Euren helburua lortzeko behar duten denboraldi zehatz baterako izendatuko dira, gehienez urte biko agintaldietarako baina behin eta berriro aukeratuak izan daitezke.
- Dagokien ekintzak bideratzeko beharrezkoa den guztietan batzartuko dira eta gutxienez hilean bitan.

15. artikulua.-

Zuzendaritza Batzordeko kideren bat bilera horietara 3 aldiz jarraian, edo, tarteka 5 aldiz agertzen ez bada, dagokion kargua utzi egin beharko du, hutsegite horiek ez baditu arrazoitzen.

16. artikulua.-

Zuzendaritza **Batzordeko kide izateko**, ezinbestean baldintza hauek bete beharko dira:

- Adin nagusikoa izatea, eskubide zibil guztien jabe izatea, eta indarrean dauden legeetan ezarritako bateraezintasun-arrazoirik ez izatea.
- Estatutuetan aurreikusitako moduan izendatua izatea.
- Erakundeko bazkidea izatea.

17. artikulua.-

Zuzendaritza Batzordeko "Oinarrizko" eta "Ezohizko" batzordekideak izateko, lehendabizi, Batzorde Orokorrek izangaia hautatu behar du eta, gero, izendatu horrek kargua onartu behar du.

Batzordekide laguntzailearen kasuan aurreko karguetan gertatzen dena ere aplikatzen da.

Zuzendaritza Batzordeko kideen dieta eta gastuak ordaintzea erabaki dezake Batzar Orokorrek.

18. artikulua.-

Zuzendaritza Batzordeko kideek **kasu hauetan utziko dituzte karguak**:


- Agintealdia bukatzen denean.
- Dimititzen baldin badute.
- Bazkide izateari uzten diotenean, edo kargua betetzeko ezintasun-arrazoiak dituztenean.

- d) Estatutu hauetako 16. artikulua aplikatuz, Batzar Orokorrak kargua baliozabetzea erabakitzen duenean.  
e) Hiltzen baldin badira.

"a)" idatz-zatian agertzen dena baldin bada kargua uzteko arrazoia, Zuzendaritza Batzordeko kideek jardunean jarraituko dute lehenengo batzar orokorra egin arte. Batzar horretan aukeratuko dira kargudun berriak.

b), c), d) eta e) idatz-zatietan agertzen dena baldin bada arrazoia, hutsik gelditutako kargua betetzeko norbait behin-behingo izendatuko du Zuzendaritza Batzordeak, eta Batzar Orokorrak erabakiko du izendapena onetsi ala ez. Ezetsi egiten badu, behar diren kargu-izendapenak egingo ditu.

Organo honen osieran egiten diren aldaketa guztien berri emango zaio Elkartearen Erregistroari.



20. artikulua.-

Honako hauek dira **Zuzendaritza Batzordearen zereginak**:

- a) Federazioaren eguneroko kudeaketaz arduratzea, Batzar Orokorraren jarraibideekin, batzordeak eta haren kontrolpean.  
b) Federazioak gauzatu beharreko ekintzen egitaraua egitea.  
c) Gastu eta sarreraren urteko aurrekontua eta aurreko urteko kontuen egoera-orria Batzar Orokorrari aurkeztea, hark onar ditzan.  
d) Batzar Orokorraren bileretako gai-zerrendak egitea, eta ohiko nahiz ezohiko batzar orokorretarako deialdiak egitea erabakitzea.  
e) Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.  
f) Estatutu hauetako aginduak interpretatzea eta Estatutuetako hutsuneak betetzea, betiere federazioen inguruan indarrean dauden legeekin bat etorriz.  
g) Batzar Orokorrak berariazko erabakien bidez ematen dizkion eskumenak erabiltzea, betiere ez badira haren eskumen eskusibokoak.

JUSTIZIA ETA HERRI  
ADMINISTRAZIO SAIA

DEPARTAMENTO DE JUSTICIA  
Y ADMINISTRACION PUBLICA

21. artikulua.-

Zuzendaritza Batzordearen bilkurak lehendakariak erabaki edo batzordekide batek eskatzen duen bakoitzean egingo dira. Bilkurako buru lehendakaria izango da, ez balego, lehendakariordea; eta horien faltan, batzordekide zaharrena.

**Batzordeak hartutako erabakiak** baliozkoak izateko:

- Erabaki guztiak aho-betez hartzeko borondatea egon behar da.
- Aho-betez erabakitzea ezinezkoa bada, biltzen diren batzordekideen gehiengoak aldeko botoa eman behar du. Horretarako, gutxienez batzordekideen kopuruaren erdiak egon beharko du bilkuran.
- Berdinketarik egonez gero, lehendakariak EZ dauka kalitatezko botoirik beraz, hau gertatuz gero batzordeak ezingo du erabakirik hartu eta Batzar Orokorraren esku jarri behako da.
- Edozein saiotan, "Oinarrizko kargudun" batek, bozkatuko den gairen bat eztabaidatzerakoan bere elkartearentzat funtsezko dela adierazten badu; erabakia baliozko izateko ezin da egon ezezko bakarra ere ez. Kasu hauetan onartutako diren botoak: "Bai", "Zuri" eta "abstentzioa" izango dira.

Idazkariak bilera-aktak egingo ditu eta akta horiek gero dagokion liburuan transkribatuko dira.

## KIDE BAKARREKO ORGANOAK

### LEHENDAKARIA

22. artikulua.- Lehendakariak beregain hartuko du federazioaren legezko ordezkariak, eta Zuzendaritza Batzordeak eta Batzar Orokorrak hartutako erabakiak gauzatu ditu. Era berean, aipaturiko bi organo horietako lehendakaria izango da.

23. artikulua.- Lehendakariak honako hauek denak egiteko ahalmena izango du:

- a) Zuzendaritza Batzordearen eta Batzar Orokorraren bilera-deiak egin, bilera bukatzat eman eta bilerekin sortzen diren eztabaidak bideratu. Boto-berdinketa gertatuz gero EZ du kalitatezko botoirik.
- b) Federazioaren ekintzen egitasmoa Zuzendaritza Batzordeari proposatzea eta federazioaren zereginak bultzatu eta bideratzea.
- c) Baliotasunez erabakitako ordainketak egiteko agintzea edo/eta, ziurtagiri baten bitartez diruzainarengan delegatzea erabaki-ekintza hauek, dokumentu horretan azaldutako era zehatzean bideratuz.
- d) Sortzen diren premiazko arazoak konpontzea, eta egiten den lehenengo bilkuran Zuzendaritza Batzordeari horren berri ematea.
- e) Batzar Orokorrak berariazko erabaki bidez ematen dizkion eskumenak erabiltzea, betiere ez badira haren eskumen eskusibokoak.

### LEHENDAKARIORDEA

24. artikulua.- Lehendakariordeak lehendakariari lagunduko dio, eta lehendakariak aldi batean bere kargua bete ezin badu, lehendakariordeak ordezkatu du. Era berean, lehendakariak berariaz eskuordetzen dizkion ahalmen guztiak izango ditu.

### IDAZKARIA


25. artikulua.- Idazkariari dagokio, zehazki, federazioan sartzeko eskabideak jaso eta izapidetzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.

Era berean, federazioen arloan indarrean dauden legezko xedapenak betetzeaz arduratuko da, federazioaren agiri ofizialak zainduz, federazioko liburuen eta artxiboen edukia egiaztatuz eta Zuzendaritza Batzordeko izendapenen eta egoitza sozialaren aldaketen berri emateko egin beharreko jakinerazpenak eginez agintari eskudunari.

### DIRUZAINA

26. artikulua.- Egindako diru-sarrerak eta ordainketen berri emango du diruzainak, eta diru-sarrera eta gastuen urteroko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu behar dizkio, eta horrek Batzar Orokorrari, hark onartu ditzan.

Era berean, Lehendakariaren aginduz eta Zuzendaritza Batzarraren oniritziz federazioak, banketxe, administrazio publiko, elkarte, enpresa edo pertsona pribatu nahiz juridikoekin sortutako diru-mugimenduetan esku-hartze zuzena izango du. Federazioak aurrezki kutxa edo banketxeetan eduki ditzaken kontu korranteetan ahaldua izango delarik.



**BAZKIDEAK: ONARTUAK IZATEKO BALDINTZA ETA PROZEDURAK, ETA BAZKIDE-MOTAK**

27. artikulua.-

**Federaziokide** izan nahi eta **baldintza** hauek betetzen dituzten elkarte guztiak izan daitezke federazioko bazkide:

- a) Federazioaren helburuekin bat etortzea eta helburu horiek betetzen laguntzea.
- b) Eusko Jaurlaritzako Elkarteen Erregistroan inskribaturik egotea.

28. artikulua.-

**Federazioan sartu nahi duenak** idatziz aurkeztu beharko du bere eskabidea, bi bazkideren sinadurarekin eta lehendakariari zuzenduta. Tramite hau egin eta gero federazioko idazkariak Elkarte-kide guztien oniritzi formala eskatu du, guztiena lortzen bada erabaki honen tramitea berriro federakuntzako Zuzendaritza Batzordeari helduko saio. Eta honek aho-betez erabaki beharko du eskabidearen onarpena. Erabakiaren aurkako gorako errekurtsoa jar dakioko Batzar Orokorrari.

Agiri hauek aurkeztu beharko dira:

- a) Erakundea arautzen duten estatutuen kopia.
- b) Eskatzailea Elkarteen Erregistroan inskribatuta dagoela egiaztatzen duen agiria, eskumena duen erakundeak emana.
- c) Eskatzaileak federatu nahi duela eta federazioaren estatutuak bete nahi-dituela adierazten duen erabakiaren ziurtagiria. Ziurtagiri horrek, gainera, ordezkari-lanetan arituko den pertsona fisikoa zein den adierazi beharko du.



JUSTIZIA ETA HERRI  
ADMINISTRAZIO SAILA  
Elkarteen Erregistroa

**BAZKIDEEN ESKUBIDEAK ETA BETEBEHARRAK**

DEPARTAMENTO DE JUSTICIA  
Y ADMINISTRACION PUBLICA  
Registro de Asociaciones

29. artikulua.-

**Bazkide** guztiek honako hauek denak egiteko **eskubidea** dute:

- 1) Elkarteei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko 40 eguneko epean.
- 2) Federazioaren gobernu- eta ordezkari-organoen osakerari, federazioaren kontu-egoerari eta federazioaren jardueri buruzko informazioa jasotzea.
- 3) Federazioko beste bazkideen nortasuna, diru-sarreraren eta gastu-kontuen egoera, eta federazioaren ekintzen garapenaren berri edozein unetan jakitea, datu pertsonalak babesteko arautegian aurreikusitako moduan.
- 4) Batzar orokorretarako deiak jasotzea, batzar orokorretara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- 5) Federazioaren Estatutu hauen arabera, federazioko zuzendaritza-organoei parte hartzea eta organo horietarako hautatzaile nahiz hautagai izatea.
- 6) Indarrean dauden legeetan zehaztutako bazkideen fitxategian agertzea, eta federazioaren ikurra, baldin badu behintzat, erabiltzea.
- 7) Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkeztea.
- 8) Talde-ekintza sozialetan parte hartzea, eta bazkideentzako tresnak erabiltzea (federazioaren egoitza, liburutegiak, eta abar).
- 9) Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
- 10) Edozein unetan baja ematea. Hala ere, hartu bai baina bete gabe dituzten konpromisoak bete beharko dituzte.



30. artikulua.-

**Bazkideen betebeharrak** hauek dira:

- a) Federazioaren helburuekin bat etortzea eta helburu horiek betetzen laguntzea.
- b) Kuotak, derramak eta Estatutuen arabera bazkide bakoitzari dagozkion bestelako ekarpenak ordaintzea.
- c) Estatutuetatik eratorritako bestelako betebeharrak betetzea.
- d) Federazioko zuzendaritza-organoei baliotasunez hartutako erabakiei men egin eta erabaki horiek betetzea.

## BAZKIDE IZATEARI UZTEA

31. artikulua.-

Bazkide izateari uzteko arrazoiak honakoak izango dira:

1. Hil egitea (edo, pertsona juridikoen kasuan, desegitea).
2. Bazkidea bere borondatez joatea.
3. Arrazoi hauengatik, bazkide izateari uzteko zigorra jasotzea: Estatutuetatik eratorritako betebeharrak eta Batzar Orokorrak edo Zuzendaritza Batzordeak baliotasunez hartutako erabakietan ezarritako betebeharrak nahita eta larriki behin eta berriz hausteagatik.

## ZIGOR-ARAUAK

32. artikulua.-

Bazkideek behin eta berriz hausten badituzte Estatutuak edo Batzar Orokorrak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zigortu ahal izango ditu.

15 egunetik hilabetera eskubideak kentzetik hasi eta federaziotik betiko kanporatzera arteko zigorra ezar daiteke, ondorengo artikuluek adierazitako moduan.

Horretarako, zigorgarriak izan daitezkeen jokabideak aztertzeke ikerketa egin dadila erabaki dezake lehendakariak. Ikerketaren instrukziogilea idazkaria izango da, eta berak proposatuko dizkio Zuzendaritza Batzordeari hartu beharreko neurriak.


Zigorra ezartzeko ahalmena Zuzendaritza Batzordeak izango du, idazkariak ez du horretan parte-hartzerik izango (instrukziogilea delako), eta zigorra ezarri aurretik interesdunari entzunaldia eskainiko zaio. Zigortzeko erabakia arrazoitu egin beharko da beti, eta erabaki horren aurkako errekurtsioa jarri ahal izango da Batzar Orokorrari.

33. artikulua.-

Bazkideren batek federaziotik kanporatua izateko moduko ustezko egintzaren bat egiten badu, hau da, Estatutuetatik eratorritako betebeharrak eta Batzar Orokorrak edo Zuzendaritza Batzordeak baliotasunez hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, lehendakariak idazkariari agindu diezaiotke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, lehendakariak jarduerak artxibatzeke agintzea edo federaziotik kanporatzeko zigor-espeditentari hasiera ematea erabaki dezake.

34. artikulua.-

Federaziotik kanporatzeko zigor-espeditentea hasten bada, idazkariak, gertakariak egiaztatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteke, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai-zerrendan sartuko da kasua, eta batzordeak hartuko du erabakia. Erabakian ez du botorik izango espeditenteko instrukziogilea izan den idazkariak.



JUSTIZIA ETA HERRI  
ADMINISTRAZIO SAILA  
Luzarleen Erregistroa


DEPARTAMENTO DE JUSTICIA  
Y ADMINISTRACION PUBLICA  
Registro de Administracion

Federaziotik kanporatzeko erabakia interesdunari jakinaraziko zaio eta, era berean, hurrengo ezohiko batzar orokorrean errekurtsua aurkez dezakeela azalduko zaio. Hiru hilabeteren barruan batzar horretarako deirik egiten ez bada, errekurtsua ebazteko batzarrerako deia egin beharko da. Bitartean, Zuzendaritza Batzordeak inputatuari bazkide-eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Batzar Orokorrari kanporatzeko espedientea aurkeztuz gero, idazkariak espedientearen laburpena egingo du, Zuzendaritza Batzordeak interesdunak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.

35. artikulua.- Kanporatzeko erabakia arrazoitu egin behar da beti, eta erabaki hori interesdunari jakinarazi behar zaio. Interesdunak, eskubideaz baliatuz, auzitegietara jo ahal izango du bere ustez erabakia legearen edo Estatutuen aurkakoa bada.

36. artikulua.- Bazkideren bati kanporaketaren berri ematerakoan —berak nahi izanda edo zigorra ezarri zaiolako— bete gabe dituen betebeharrak bete ditzala eskatuko zaio.



JUSTIZIA ETA HERRI  
ADMINISTRAZIO SAILA  
Euzko Legegintza

LAGARRREN KAPITULUA

DEPARTAMENTO DE JUSTICIA  
Y ADMINISTRACION PUBLICA  
Euzko Legegintza

## SORTZE-ONDAREA ETA AURREKONTU-ARAUAK

37. artikulua.- Federazioaren hasierako ondarea 200 eurokoa da.

38. artikulua.- Elkarre-kideen propietateak beti jarraituko dute elkarre horien izenean, nahiz eta propietate horiek federakuntzaren egitasmoa lortzen laguntzeko mailegatuak izanak. Elkarre-kideren batek federaziotik alde eginez gero beraz, bere propietateak berreskuratzeko eskubidea izango du. Era berean, federazioa desegiten denean elkarre-kideen propietateak elkarre berdinei itzuliko zaie, 45. artikulua adierazten duen moduan.

39. artikulua.- Federakuntzak sortutako propietateak federakuntzarenak izango dira beti. Federazioa desegiten baldin bada propietate hauekin 45. artikulua azaltzen duena egingo da.

40. artikulua.- Federazioak, bere jarduerak aurrera eramateko, diru-baliabide hauek aurreikusten ditu:

- Sarrera-kuotak.
- Erabakitzen diren aldizkako kuotak.
- Federazioaren ondasun eta eskubideetatik datozen emaitzak, eta legez jasotzen dituen diru-laguntzak, legatuak eta dohaintzak.
- Zuzendaritza Batzordeak Estatutuen helburuak lortzeko egin beharrekotzat jotzen dituen jardueretatik datozen diru-sarrerak.

Federazio- eta ekonomia-ekitaldia urtekoa izango da, eta urte bakoitzeko abenduaren 31an itxiko da.

Jarduera ekonomikoak gauzatuz (zerbitzuak ematea barne) federazioak lortzen dituen irabaziak bere helburuak betetzeko baino ez dira erabili beharko. Inola ere ezingo dira bazkideen artean banatu, ez eta haien ezkontideen edota haiekin antzeko afektibitate-harremanean bizi diren pertsonen artean eta haien

senideen artean ere. Ezingo zaizkie, halaber, irabazteko asmoa duten pertsona juridiko edo fisikoei doan laga.

## BOSGARREN KAPITULUA

### ESTATUTUAK ALDATZEA



JUSTIZIA ETA HERRI  
ERREKREAZIO SAILA

DEPARTAMENTO DE JUSTICIA

41. artikulua.- Estatutuak aldatzea propio horretarako deitutako bazkideen ezohiko batzar orokorrean erabaki behar da. Zuzendaritza Batzordeak hiru bazkidek osatutako batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta batzorde berak jarriko du egitasmoa amaitzeko epea.

42. artikulua.- Aldaketa-egitasmoa epe barruan idatzi eta gero, lehendakariak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du edo, bestela, lantaldeari itzuliko dio, berriz aztertu dezan.

Egitasmoa onartuz gero, Zuzendaritza Batzordeak hurrengo batzar orokorreko gai-zerrendan sartzea erabakiko du edo, bestela, horretarako propio batzar orokor baterako deia egitea.

43. artikulua.- Batzarrerako deiarekin batera, Estatutueto aldaketen testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa horiek Batzar Orokorrari helaraziko zaizkio, batzarra egin baino zortzi egun lehenago jaso badira Idazkaritzan.

Zuzenketak banaka nahiz taldeka egin daitezke, idatziz, eta aukerako beste testu bat izan beharko dute. Zuzenketak bozkatu ostean, Batzar Orokorrak Estatutuak aldatzeko erabakia hartuko du, eta Elkartearen Erregistro Orokorrean inskribatzen denetik aurrera baino ez du eragina izango hirugarrenengan.

**OHARRA:** *Federazioaren estatutuak aldatzeko garaian bosgarren kapitulu honetako artikuluez aparte bigarren kapituluko 12. artikulua bere osotasunean kontutan eduki beharko da, hori dela eta, prozedimendu hau hasi aurretik elkarte-kide guztien erabakia adostuta edukitzea gomendatzen da.*

## SEKOGARRIN KAPITULUA

### FEDERAZIOA DESEGITEA ETA FEDERAZIO-ONDAREAREN ZERTARAKOA

44. artikulua.- Federazioa arrazoi hauengatik desegingo da:

1. Bazkideek hala nahi dutelako. Nahi hori horretarako bildutako ezohiko batzar orokorrean azaldu beharko da.
2. Estatutuetoan finkatutako epea edo baldintza bete delako.
3. Beste federazio batek xurgatu duelako edo beste federazio batzuekin bat egin duelako.
4. Legez ezarritako gutxieneko bazkide-kopururik ez duelako.
5. Epai irmo batek federazioa desegitea agintzen duelako.
6. Federazioaren helburuak betetzea ezinezkoa delako.

45. artikulua.- Federazioa deseginez gero, desegiteko erabakia hartu duen Ezohiko Batzar Orokorrak Kitapen Batzordea izendatuko du. Batzorde hori Zuzendaritza Batzordeko "Oinarrizko" kideek osatuko dute (lehendakaria, lehendakariordea, idazkaria eta diruzaina) eta dagoen diruaz arduratuko da.

*Jaime Esteban*

Bazkideekiko eta besteekiko federazio-betebeharrak bete ondoren, geratzen den federazio-ondarea, geratzen bada behintzat, elkarte-kidei federazioa sortzeko garaian jarritako guztia itzuliko zaie eta federakuntza sortu eta gerokoak, irabazi-asmorik gabeko erakunde bati edo irabazi-asmorik gabeko ekimenei bati eman beharko zaio.


### XEDAPEN IRAGANKORRA

Eraketa-aktan behin-behingo izendatuak agertzen diren Zuzendaritza Batzordeko kideek egiten den lehenengo batzar orokorraren esanetara jarri beharko dute beren izendapena.

### AZKEN XEDAPENA

Estatutu hauek garatzeko asmoz, Batzar Orokorrak barne-araudia onartu ahal izango du, baina horrek inolaz ere ez ditu Estatutuetakoa aginduak aldatuko.

*Leite*



*Fd/B/161/2011*


En el presente se declara que el presente documento es el original de la copia que se ha autorizado en el Decreto 145/2011 de 14 de mayo del Gobierno Vasco, en virtud del artículo 29ko 145/2008 Dekretuaren bidez onartutako gainontzeko arauetan zehaztutako ondoretarako.

*[Handwritten scribble]*

*Bilbao, 2011ko Martxoaren 24...*

*En Bilbao, 24 de marzo de 2011...*

**ki**



**gunea**

**Sexu Ikerketa – Dokumentazioa – Hezkuntza**



Sexu Ikerketa – Dokumentazioa – Hezkuntza